

# Mjesec redžeb između novotarije i vjerom propisanog djela

[ Bosanski – Bosnian – بوسني ]

Dr. Najif b. Ahmed el-Hamed

Prijevod:

Senad Muhić

Senad Crnkić

Revizija:

Ersan Grahovac

2013 - 1434

IslamHouse.com

# ﴿ شهر رجب بين المبتدع والمشروع ﴾

« باللغة البوسنية »

د. نايف بن أحمد الحمد

ترجمة:

سناد موهيتش

سناد تسرنكتش

مراجعة:

أرسان غراهوفاتس

2013 - 1434

IslamHouse.com

# Mjesec redžep između novotarije i vjerom propisanog djela

Dr. Najif b. Ahmed El-Hamed

Neka je hvala Allahu Uzvišenom i neka je salavat i selam na Njegova Poslanika, časnu porodicu i plemenite ashabe.

A zatim:

Kao što je poznato, u ovim danima ljudi mnogo pitaju o mjesecu redžebu, njegovoj vrijednosti, postu u njemu itd. U sljedećih nekoliko riječi pokušat ću da pomenem neke od propisa vezanih za ovaj mjesec, oslanjajući se pri tome na Allaha.

## Mjesec redžeb je jedan od četiri sveta mjeseca

Rekao je Allah Uzvišeni: ***Broj mjeseci u Allaha je dvanaest, prema Allahovoj Knjizi, od dana kada je nebesa i Zemlju stvorio, a četiri su sveta; to je prava vjera.*** (Et - Tevba, 36.)

Sveti mjeseci su: muharrem, redžeb, zu-l-ka'de i zu-l-hidždže. Prenosi se od Bekreta, radijallahu 'anhu, da

je Allahov Poslanik, sallallahu alejhi ve sellem, rekao: „Vrijeme teče (kruži) kao i onog dana kada je Allah Uzvišeni stvorio nebesa i Zemlju, godina ima dvanaest mjeseci, od njih su četiri sveta, tri zaredom: zu-l-ka'de, zu-l-hidždže, muharem i mjesec redžeb Mudar<sup>1</sup> koji je između džumade i ša'bana.“<sup>2</sup>

### **Zašto su ovi mjeseci nazvani svetim mjesecima?**

1. Zbog svetosti i zabrane borbe u njima osim ako neprijatelj ne počne prvi. Zato je mjesec redžeb nazvan El-Esamm (Nijemi), jer se u njemu ne poziva: 'O narode moj!' ili zato što se u njemu ne čuje zvuk i zveket oružja.

2. Zato što je činjenje harama u njemu gore nego u drugim mjesecima. Mjesec redžeb je nazvan redžebom jer je bio veličavan.<sup>3</sup>

### **Dova prilikom nastupanja mjeseca redžeba**

Prenosi se od Enesa, radijallahu 'anhu, da je Allahov Poslanik, sallallahu alejhi ve sellem, imao običaj učiti sljedeću dovu kada bi nastupio mjesec redžeb:

---

<sup>1</sup> Ovaj mjesec je pripisan plemenu Mudar zbog toga što su oni, najviše od svih plemena, držali do njegove svetosti.

<sup>2</sup> Bilježe Buharija, br. 4662., i Muslim, br. 1679.

<sup>3</sup> Letaifu-l-me'arif, 225.

„Allahu naš, daj nam bereketa u redžebu i ša'banu, i daj nam da dočekamo Ramazan.“<sup>4</sup>

### **Klanje 'atireu mjesecu redžebu (redžebija)**

Neki učenjaci smatraju da je klanje 'atire u mjesecu redžebu mustehab (lijepo), uzimajući za dokaz hadis Mihnefa ibn Sulejma gdje kaže: „Stajali smo na Arefatu sa Allahovim Poslanikom, sallallahu alejhi ve sellem, kada je rekao: 'O ljudi, obaveza je svakoj porodici i to svake godine klanje kurbana i 'atire. Da li znate šta je atira? To je ona što je nazivate *redžebijom*.“<sup>5</sup>

Većina učenjaka je na tome da je ovaj propis derogiran hadisom kojeg prenosi Ebu Hurejre, radijellahu

---

<sup>4</sup> Bilježe Ahmed, 1/259., El-Bezzar, 616 – dodaci, Et-Taberani u *El-Ewsatu*, br.3939., i El-Bejheki u *Šu'abu-l-iman*, br.3815., i ovaj hadis je predaja od Zaida ibn Ebi Rukkada od Zijada En-Numejrija, a Buharija o njemu kaže da je hadis od njega neprihvatljiv (munker-l-hadis), *Šu'ubu-l-iman*, 3/375., a slabim su ga ocijenili Ibn Redžeb i Ibn Hadžer. Vidi: *Letafu-l-me'arif*, 234.

<sup>5</sup> Bilježe Ahmed, 5/76., Ebu Davud, br.2788, En-Nesai, br.4224., i Et-Tirmizi, br.1518. Rekao je Et-Tirmizi: „Ovaj hadis je hasen garib i ne poznajemo ga osim ovim putem od ibn 'Avna.“ Ovaj hadis smatraju slabim Ibn Hazm u djelu *El-Muhalla*, 7/356., Abdulhakk u *Tehzibu-s-Sunen*, 4/92., i El-Hattabi u *Me'alimu-s-sunen*, 4/94. Rekao je Ibn Kesir: „Ima govora o ispravnosti lanca prenosilaca ovog hadisa.“ Vidi: *Tefsir Ibn Kesir*, 3/225.

'anhu, da je Allahov Poslanik, sallallahu alejhi ve sellem, rekao: „Nema Fere'a niti 'Atire!“<sup>6</sup>

Rekao je Ebu Davud: „Rekli su neki da je Fere' prvorođe devese, u džahilijetu su ga klali svojim božanstvima, a zatim jeli, a njegovu kožu bi vješali na drveće. A atira je u prvih deset dana mjeseca redžeba.“<sup>7</sup>

Treba napomenuti da nekoliko učenjaka poput Ibn Sirina, Ebu 'Ubejda, Ishaka ibn Rahavejha i učenjaci šafijskog mezheba smatraju da je ono što je derogirano bilo obavezno prije derogacije.<sup>8</sup>

## Umra u mjesecu redžebu

Postoji određeni broj muslimana koji odabiraju mjesec redžeb za obavljanje umre u njemu, smatrajući da je vrijednost i nagrada veća, a u stvarnosti, mjesec redžeb je kao i ostali mjeseci; nije preneseno ništa što bi mu dalo određenu posebnost obavljanja umre, za razliku od mjeseca ramazana i mjeseci hadždža za onoga ko obavlja

---

<sup>6</sup>Bilježi Buharija, br. 5474., i Muslim, br. 1976. Vidi: *El-Muharrer*, 1/250., *El-Mugni*, 9/367., *El-Mubdi'u*, br. 3/306., *Fethu-l-Bari*, 9/512., *Letaifu-l-me'arif*, 226., *Bedai'u-s-Sana'i*, 5/62., *El-Bahru-r-raiku*, 8/197.

<sup>7</sup>*Sunen*, 3/104.

<sup>8</sup>*El-Medžmu'u*, 8/335., *Tehzibu-s-suneni*, 4/94., *Letaifu-l-mearif*, 226., *El-Furu'u*, 3/415., *El-Mubdi'u*, 3/306., *Fethu-l-Bari*, 9/511., *Nejlu-l-evtar*, 5/232., *Avnu-l-M'abud*, 7/343., *Tuhfetu-l-Ahvezi*, 5/85.

hadždž temettu'. Dakle, ništa vjerodostojno nije preneseno da je Allahov Poslanik, sallallahu alejhi ve sellem, obavio umru u mjesecu redžebu, čak šta više, majka vjernika Aiša, radijallahu 'anha, je porekla da je Allahov Poslanik, sallallahu alejhi ve sellem, obavljao umru u ovom mjesecu.<sup>9</sup>

### **Novotarije mjeseca redžeba**

Od ibadeta koje su ljudi izmislili u mjesecu redžebu možemo izdvojiti sljedeće:

- Namaz koji se zove Salatu Regaib ili Namaz želja. Ima dvanaest rekata. Klanja se prvog petka u mjesecu poslije akšama. Šest puta se predaje selam. Na svakom rekatu poslije Fatihe uči se sura El-Kadr tri puta i El-Ihlas dvanaest puta, a nakon završenog namaza donese se salavat na Allahova Poslanika, sallallahu alejhi ve sellem, sedamdeset puta, te se dovi šta se poželi. Ovaj namaz je, bez ikakve sumnje, velika novotarija, a hadis koji je došao na temu ovog namaza pomenuo je Ibn-l-Dževzi u *Mevdua'tima* - Knjiga izmišljenih hadisa.<sup>10</sup>

Rekao je En-Nevevi, neka mu se Allah smiluje: „Neki učenjaci su ovaj hadis uzeli kao dokaz o

---

<sup>9</sup> Bilježi Buharija, br. 1775.

<sup>10</sup> *El-Mevdua't*, 2/124.

pokuđenosti ovog namaza koji se zove Regaib – neka Allah ubije onog ko ga izmisli – jer je taj namaz novotarija koju su ljudi uveli i nije ništa drugo do zabluda i neznanje, i u toj noći se čine jasne zabranjene stvari. Učenjaci su napisali brojna djela kako bi pojasnili pokuđenost ovog namaza, zabludu onog ko ga klanja kao i inovatora, a dokazi za pokuđenost i neispravnost ovog namaza, te zablude onog ko ga klanja su brojni.“<sup>11</sup>

Rekao je El-Hattabi: „Hadis o namazu Regaiba je skup lažii izmišljotina koje nisu male.“<sup>12</sup>

Rekao je hafiz Ibn Redžeb, Allah mu se smilovao: „Što se tiče namaza u mjesecu redžebu i davanje određene posebnosti, nije preneseno ništa vjerodostojno, a hadisi o vrijednosti namaza koji se zove Regaib su laž i zabluda, te nisu ispravni (vjerodostojni), a pomenuti namaz je novotarija kod većine učenjaka. Ovaj namaz se pojavio po prvi put četiri stotine godina nakon hidžre, zbog toga naše prijašnje generacije nisu o njemu znale niti govorile.“<sup>13</sup>

---

<sup>11</sup>Šerhu Muslim, 8/20., *El-Edebu fi redžeb* od El-Karija, 43., *Nejlu-l-evtar*, 4/337.

<sup>12</sup>*El-Ba'isu* od Ebu Šame, 143.

<sup>13</sup>*Letaifu-l-me'arif*, 228.



- Namaz koji se klanja u polovini mjeseca redžebe. Hadisi koji su preneseni na ovu temu su izmišljeni hadisi.<sup>14</sup>

- Namaz Lejletul mi'radž. To je namaz koji je očita novotarija, a klanja se u dvadeset sedme noći mjeseca redžebe. Ovaj namaz nema ispravne osnove niti u Kur'anu, niti u sunnetu Allahova Poslanika, sallallahu alejhi ve sellem.<sup>15</sup>

Zatim, stav da se Mi'radž desio u mjesecu redžebe je pusti govor bez ikakvog dokaza. Rekao je Ibn Šameh, neka mu se Allah smiluje: „Neki od govore da se Isra desio u mjesecu redžebe. Ovaj govor kod učenjaka Džerha i Ta'dila (ocjenjivanja prenosilaca) je čista laž.“<sup>16</sup>

Ebu Ishak Ibrahim El-Harbi veli: „Poslanik, sallallahu alejhi ve sellem, je doživio noćno putovanje dvadeset sedmu noć mjeseca rebiul-evvela.“<sup>17</sup>

Oni koji klanjaju ovaj namaz uzimaju za dokaz govor koji je pripisan Allahovom Poslaniku, sallallahu alejhi ve sellem: „U mjesecu redžebe ima jedna noć, u toj

---

<sup>14</sup>*El-Mevdu'at* od Ibn-l-Dževzija, 2/126.

<sup>15</sup>*Hatimetu seferi-s-se'adeti*, od Fejrúz Abadija, 150., i *Et-Tenkit* od Ibn Hemmata.

<sup>16</sup>*El-Ba'is*, 232, *Mevahibu-l-dželil*, 2/408.

<sup>17</sup>*El-Ba'is*, 232., *Šerh Muslima* od imama Nevevija, 2/209., *Tebjinu-l-adžeb*, 21., *Mevahibu-l-dželil*, 2/408.

noći ko uradi jedno dobro djelo kao da je je stotinu godina činio dobra djelai i ona se nalazi u tri preostale noći ovog mjeseca.“<sup>18</sup>

Kažem: „Znakovi koji upućuju na neosnovanost ovog hadisa su jasni. Svi učenjaci su složni da je najvrednija noć u godini noć Kadr, a ovaj hadis tome oponira.“

Zatim, od novotarija te noći je sakupljanje, održavanje vatre i kuhanje hrane. Rekao je šejh Ali el-Kari': „Nema sumnje da je to novotarija i pokvareno djelo, jer se u njoj bespotrebno troši imetak i poistovjećuje sa onima koji obožavaju vatru.“<sup>19</sup>

## **Post u mjesecu redžebu**

Mjesec redžeb je kao i ostali mjeseci. Nije prenesen ni jedan ispravan hadis koji podstiče na posebni post u njemu, nego se posti kao i u ostalima – ponedjeljak i četvrtak kao i dani koji se nazivaju Bijeli dani onom kome je običaj da ih posti u ostalim mjesecima, ali post

---

<sup>18</sup>Bilježiga El-Bejheki u *Šua'bu*, 3/374., a zatim ga je ocijenio slabim, a takvim ga smatra hafiz Ibn Hadžer u knjizi *Tebjinul 'adžeb*, str. 25. Rekao je Kari' o ovom hadisu: „Veoma slab.“ Vidi: *El-Edebu fi redžeb*, 25.

<sup>19</sup>*El-Edebu fi redžeb*, 25.

ovim danima samo u mjesecu redžebu je zabranjen i novotarija.

Postoji predaja koju pominju oni koji pričaju priče, a u kojoj se podstiče na post u ovom mjesec: „Doista, u mjesecu redžebu ima jedna rijeka koja se zove redžeb. Njegova voda je bjelja od snijega, a slađa od meda. Ko posti u njemu jedan dan napiće se iz te rijeke.“ Ovaj hadis je izmišljen i potvora na Allahova Poslanika, sallallahu alejhi ve sellem.<sup>20</sup>

A hadis: „Redžeb je veliki mjesec, u njemu Allah udvostučuje dobra djela, pa ko u njemu posti dan kao da je postio godinu; ko posti sedam dana pred njim će biti zaključana sedmera vrata Džehennema; ko posti osam dana biće mu otvoreno svih osam vrata Dženneta; ko posti deset dana neće od Allaha ništa tražiti, a da mu neće dati, a ko posti petnaest dana pozvaće glasnik sa neba: 'Oprošteno ti je ono što je bilo, pa počni svoja djela iz početka', a onaj ko poveća i Allah će mu uvećati.“<sup>21</sup>

---

<sup>20</sup>Pomenuo ga je Ibn-l-Dževzi u djelu *El-Vahijat*, str. 912, a kaže Zehebi o njemu: „Taj hadis je ništavan.“ Vidi: *El-Mizan*, 6/524.

<sup>21</sup>Bilježi ga El-Bejheki u *Šu'abu*, br.3801, Taberani u *El-Kebiru*, br.5538, a hafiz Ibn Hadžer ga ubraja od ništavne hadise. Vidi: *Mevahibu-l-dželil*, 2/408.

Rekao je Hejsemi: „U njegovom senedu je Abdulgafur tj. Ibn Seid, a hadisi se od njega ne uzimaju.“<sup>22</sup>

Dva hafiza Ibn-l-Dževzi i Ibn Hadžer su pomenuli skupinu ništavnih i izmišljenih hadisa o vrijednosti mjeseca redžeba.<sup>23</sup>

Na kraju ću pomenuti govore dva hafiza Ibn-l-Kajjima i Ibn Hadžera kao sažetak onom što smo već kazali:

Rekao je Ibn-l-Kajjim: „Svaki hadis o postu u mjesecu redžebu i namazu u nekim njegovim noćima je laž i potvora.“<sup>24</sup>

Rekao je hafiz Ibn Hadžer: „O vrijednosti mjeseca redžeba nije prenesen do nas ni jedan ispravan hadis koji se može uzeti za dokaz, kao što nije preneseno ništa po pitanju posta i posebnog namaza u njegovim noćima.“<sup>25</sup>

Na kraju molim Allaha Uzvišenog da nam iz Svoje milosti podari sljedenje sunneta i da se klonimo novotarija, a on je Plemenit. Allah Uzvišeni od svih zna najbolje. Neka je salavat i selam na posljednjeg Poslanika, sallallahu alejhi ve sellem, njegovu porodicu i časne ashabe.

---

<sup>22</sup>*Medžme'u-z-zevaid*, 3/188.

<sup>23</sup>*Mevahibu-l-dželil*, 2/408.

<sup>24</sup>*El-Menaru-l-Munif*, 96.

<sup>25</sup>*Tebjину-l-adžeb*, 11., *Letaifu-l-me'arif*, 228.